



Broj:09-20-2538/26

Dana: 01.7.2026. godina

U okviru projekta „Participativna izgradnja kapaciteta u odabranim opštinama u BiH koji vode ka poboljšanju uslova života seoskog stanovništva 2024 – 2027“ Češke Razvojne Agencije Br:282084/2024-40-CRA a na osnovu Memoranduma o saradnji zaključenog između Gradonačelnika grada Bosanska Krupa i Udruženja Development Alliance z.s. iz Brna, Češka Republika, broj:01-45-7478/24 od 15.4.2025. godine, u cilju poboljšanju uslova života seoskog stanovništva na području Grada Bosanska Krupa, Gradonačelnik Grada Bosanska Krupa, objavljuje:

### JAVNI POZIV

**za odabir korisnika projekta Republike Češke „Participativna izgradnja kapaciteta u odabranim opštinama u BiH koji vode ka poboljšanju uslova života seoskog stanovništva 2024.-2027.“ za lanac vrijednosti proizvodnja mlijeka**

#### I PREDMET JAVNOG POZIVA

Predmet javnog poziva je odabir korisnika za nabavku;

1.	Opremanje staja: boksovi za telad, sistemi ventilacije, pregrade, sistemi izdubavanja, pojilice, pumpe za pražnjenje rezervoara, oprema za ležišta, boksove, podne rešetke, oprema za češanje životinja – električne četke
2.	Oprema za mužu, hlađenje i čuvanje mlijeka na farmi, uključujući sve elemente, materijale i instalacije
3.	Opremanje ispusta/pašnjaka: električne čobanice, korita
4.	Silos i silosi za čuvanje žitarica i montažni silosi sa pratećom opremom za skladištenje stočne hrane, žitarice i uljarice za vlastitu potrebu
5.	Mašine i oprema za pripremu, transport i skladištenje stočne hrane, kao i za hranidbu i napajanje životinja (plugovi, drljače, mulčeri, freze, sijačice za strna žita, pneumatske sijačice, prskalice, prikolice za prikupljanje, prevoz i istovar sjena; mlinovi i blenderi/miješaoe za pripremu stočne hrane; oprema i dozatori za koncentrovanu stočnu hranu; ekstraktori/ekstruderi; transporteri; miks prikolice do 3 m <sup>3</sup> i dozatori za kabastu stočnu hranu; hranilice; pojilice; balirke; omotači bala; kosilice; priključni sakupljači i rasturači sjena)

## II PRAVO UČEŠĆA

Pravo učešća na Javnom pozivu imaju fizička lica i obrti - proizvođači mlijeka koji imaju prebivalište odnosno sjedište na području grada Bosanska Krupa i pripadaju nekoj od slijedećih kategorija:

1. Višečlana porodica sa dvoje ili više maloljetne djece
2. Mladi do navršenih 40 godina života
3. Žena nosioc gazdinstva ili žena vlasnica obrta

## III USLOVI ZA DODJELU PODRŠKE

**Podnosilac prijave treba da ispunjava slijedeće uslove:**

1. Da je upisan u Registar poljoprivrednih gazdinstava i Registar klijenata u Gradu Bosanska Krupa (službena provjera vrši se u nadležnoj službi)
2. Da se podnosilac zahtjeva bavi proizvodnjom mlijeka i da je u lancu otkupa mlijeka, te da u vrijeme podnošenja prijave ima do 15 mliječnih grla starijih od 26 mjeseci
3. Da nije bio korisnik podrške za nabavku mašina i opreme u lancu proizvodnje mlijeka kroz Projekat u 2025. godini (službena provjera vrši se u nadležnoj službi)
4. Da će sufinansirati najmanje 20% od nabavne cijene tražene opreme ili mašina navedenih u tački I poziva
5. Da obavezno prisustvuje obukama koje će biti organizovane u okviru projekta a koje se odnose na proizvodnju mlijeka

## IV KRITERIJI ZA IZBOR KORISNIKA

### Proizvodni kriterij

- a) Broj mliječnih grla, starijih od 26 mjeseci u vrijeme podnošenja prijave..... 5 – 15 bodova
- Podnosilac prijave u uzgoju posjeduje do 5 mliječnih grla..... 15 bodova
  - Podnosilac prijave u uzgoju posjeduje 6 - 10 mliječnih grla ..... 10 bodova
  - Podnosilac prijave u uzgoju posjeduje 11 - 15 mliječnih grla ..... 5 bodova

### Socijalni kriteriji:

- a) Višečlana porodica ..... 10-20 bodova
  - 2 djece do 18 godina života..... 10 bodova
  - 3 djece do 18 godina života..... 15 bodova
  - 4 i više djece do 18 godina života..... 20 bodova
- b) Godine života nosioca gazdinstva ili vlasnika/ce obrta..... 5-10 bodova
  - do 30 godina..... 10 bodova
  - 31 do 40 godina..... 5 bodova
- c) Žena nosioc gazdinstva ili žena vlasnica obrta..... 10 bodova
- d) Primanja po osnovu radnog odnosa ..... 10-20 bodova
  - porodica nema primanja (nezaposlen podnosilac prijave i ostali punoljetni članovi

- porodice) .....20 bodova
- primanja porodice po članu domaćinstva do 300,00 KM .....10 bodova
- e) Samohrani roditelj.....10 bodova

Ukoliko prilikom bodovanja dva ili više podnosioca budu imali isti broj bodova prednost će se utvrditi redoslijedom prema pripadnosti slijedećoj kategoriji:

- a). Višečlana porodica
- b). Godine života nosioca gazdinstva ili vlasnika/ce obrta
- c). Žena nosioc gazdinstva ili žena vlasnica obrta

## V POTREBNA DOKUMENTACIJA

Potrebna dokumentacija za izbor korisnika:

- 1) Obrazac za prijavu na Javni poziv (OBAVEZNO)
- 2) Potvrda o prebivalištu, CIPS prijava za podnosioca i sve članove domaćinstva (OBAVEZNO)
- 3) Ovjerena kopija važećeg ugovora o otkupu mlijeka (OBAVEZNO)
- 4) Potvrda o stanju životinja na imanju izdata od nadležne Veterinarske stanice (AIMCS) (ELIMINATORAN I KRITERIJ ZA BODOVANJE))
- 5) Ovjerena kućna lista (OBAVEZNO)
- 6) Izvod iz matične knjige rođenih za maloljetnu djecu (KRITERIJ ZA BODOVANJE)
- 7) Dokaz o primanjima iz radnog odnosa podnosioca prijave i članova uže porodice koji žve u zajedničkom domaćinstvu ili nezaposlenosti podnosioca prijave i punoljetnih članova domaćinstva i statusu maloljetnih i izdržavanih članova (KRITERIJ ZA BODOVANJE):
  - a) Za podnosioca prijave i članove domaćinstva koji ostvaruju primanja iz radnog odnosa, dostavlja se dokaz o primanjima podnosioca prijave i zaposlenih članova domaćinstva – Potvrda poslodavca za zadnju isplaćenu plaću.
  - b) Ukoliko je podnosilac prijave ili član domaćinstva BiH penzioner prilaže se ček od penzije za zadnji mjesec od objave poziva ili Uvjerenje Federalnog zavoda PIO/MIO Poslovnica Bosanska Krupa o visini penzije za zadnji mjesec, te ukoliko je i/ili inostrani penzioner prilaže se Izvod iz banke o visini isplaćene penzije za zadnji mjesec od objave poziva.
  - c) Za radno sposobne a nezaposlene podnosiocice prijave i punoljetne članove domaćinstva koji se nalaze na evidenciji Biroa za zapošljavanje dostavlja se - Uvjerenje izdato od Biroa za zapošljavanje Bosanska Krupa.
  - d) Za radno sposobne a nezaposlene osobe koje nisu prijavljene na Birou za zapošljavanje prilaže se Uvjerenje da se osobe ne vode u evidenciji osiguranih osoba izdato od Porezne uprave FBiH, ispostava Bosanska Krupa.
  - e) Ukoliko je podnosilac prijave ili član domaćinstva radno neaktivna starija osoba a ne ostvaruje penziju prilaže se potpisana i ovjerena Izjava podnosioca prijave da on ili radno neaktivan član domaćinstva ne ostvaruje/u penziju.
  - f) Za punoljetnu djecu/izdržavane članove domaćinstva koji se ne nalaze na evidenciji Biroa za zapošljavanje prilaže se potvrda škole/fakulteta o školovanju.

- 8) Ovjerena izjava korisnika da će mašine ili opremu koja je predmet nabavke zadržati u vlasništvu najmanje 3 godine od potpisivanja Ugovora (Prilog 3) - dostavlja se nakon konačnog izbora.
  - 9) Ovjerena izjava podnosioca prijave da će sufinansirati 20% ili više od nabavne cijene mašine ili opreme, te da će obavezno prisustvovati obukama u okviru projekta a koje se odnose na proizvodnju mlijeka (ili neko od ukućana) (OBAVEZNO).
  - 10) Dokaz da je podnosilac prijave samohrani roditelj (smrtni list ili Uvjerenje Centra za socijalni rad o statusu samohranog roditelja), ukoliko se radi o samohranom roditelju (KRITERIJ ZA BODOVANJE).
- Dokumenti koji se prilažu trebaju biti originali ili ovjerene kopije, ne starije od 3 mjeseca, osim dokaza pod tačkom 3).

## **VI PROCEDURA ODABIRA KORISNIKA**

Proceduru odabira korisnika provodi Komisija za odabir krajnjih korisnika za nabavku mašina i opreme za proizvodnju mlijeka a čine je dva predstavnika Grada koje imenuje Gradonačelnik i jedan predstavnik projektnog tima, koga imenuje Development Alliance.

Zadatak Komisije je da pregleda prispjele prijave, evidentira blagovremene i potpune prijave, utvrdi da li podnosilac prijave pripada kategoriji sa pravom učešća na javnom pozivu, izboduje podnosiocima prijave na osnovu kriterija iz javnog poziva, te sačini Preliminarnu rang listu korisnika.

Prijave podnosioca koji u uzgoju imaju više od 15 mliječnih grla, kao i prijave podnosioca koji su bili korisnici podrške za nabavku mašina i opreme u lancu proizvodnje mlijeka kroz Projekat u 2025. godini, neće se razmatrati niti vrednovati.

Preliminarna rang lista korisnika se objavljuje na oglasnoj ploči Grada i službenoj web stranici Grada: [www.gradbosanskakrupa.ba](http://www.gradbosanskakrupa.ba).

Na Preliminarnu rang listu podnosioci prijave mogu uložiti prigovor Komisiji gradskog vijeća za zaštitu ljudskih prava i građanskih sloboda u roku od tri (3) dana od dana objave iste na službenoj web stranici Grada: [www.gradbosanskakrupa.ba](http://www.gradbosanskakrupa.ba).

Po isteku roka za prigovore i nakon rješavanja eventualnih prigovora, sačinjava se Konačna rang lista odabranih korisnika i objavljuje na oglasnoj ploči Grada i službenoj web stranici Grada: [www.gradbosanskakrupa.ba](http://www.gradbosanskakrupa.ba).

Obrazac prijave se može preuzeti na info pultu Grada Bosanska Krupa i službenoj web stranici: [www.gradbosanskakrupa.ba](http://www.gradbosanskakrupa.ba).

Javni poziv će biti objavljen na sredstvima informisanja Grada Bosanska Krupa; Radiu Bosanska Krupa, web stranici Grada: [www.gradbosanskakrupa.ba](http://www.gradbosanskakrupa.ba) i na oglasnim pločama Grada.

Rok za podnošenje prijave je 15 (petnaest) dana od dana objave Javnog poziva na službenoj web stranici Grada: [www.gradbosanskakrupa.ba](http://www.gradbosanskakrupa.ba).

Ukupna sredstva za ovu namjenu iznose 36.000,00 KM od čega su sredstva donatora, Češke Razvojne Agencije 10.000,00 KM, sredstva Grada Bosanska Krupa 20.000,00 KM i učešće korisnika 6.000,00 KM, zbog čega će se broj korisnika za nabavku mašina i opreme za proizvodnju mlijeka ograničiti u skladu sa raspoloživim sredstvima za 2026. godinu.

U skladu sa raspoloživim sredstvima ograničava se vrijednost predmeta nabavke na iznos do 6.000,00 KM ukupno po korisniku, računajući i učešće korisnika od 20 %.

Zainteresirani mogu aplicirati na mašine i opremu za proizvodnju mlijeka u iznosu većem od 6.000,00 KM uz uslov da razliku sredstava finansiraju sami, što potvrđuju izjavom o spremnosti da učestvuju u procesu nabavke u većem iznosu od 20 % ukupne vrijednosti nabavke.

U slučaju da se na Javni poziv ne prijavi odgovarajući broj zainteresiranih ili da broj aplikanata koji ispunjavaju uslove javnog poziva bude manji od šest (6), razmotriti će se mogućnost veće podrške po aplikantu za predmet nabavke čija je vrijednost veća od 6.000,00 KM, a u skladu sa raspoloživim sredstvima.

Sve dodatne informacije mogu se dobiti u Službi za obrt, poljoprivredu i poduzetništvo Grada Bosanska Krupa, ili na broj telefona 037 961 460 svakim radnim danom od 8:00-15:30 sati od dana otvaranja do dana zatvaranja javnog poziva.

Neblagovremene i nepotpune prijave, kao ni prijave podnosioca koji ne pripadaju jednoj od kategorija sa pravom učešća na javnom pozivu kao i prijave podnosioca koji u uzgoju imaju više od 15 mliječnih grla starijih od 26 mjeseci na dan prijave i prijave podnosioca koji su bili korisnici podrške za nabavku mašina i opreme u lancu proizvodnje mlijeka kroz Projekat u 2025. godini, se neće uzeti u razmatranje.

Obrazac prijave zajedno sa propisanom dokumentacijom predaje se u zatvorenoj koverti putem pisarnice Grada Bosanska Krupa ili putem pošte, na adresu:

**Grad Bosanska Krupa - Gradski organ uprave**

**Terzića bb, 77240 Bosanska Krupa**

**„Komisija za odabir krajnjih korisnika za nabavku mašina i opreme za proizvodnju mlijeka po projektu koji se implementira uz podršku Češke Razvojne Agencije, broj: 282084/2024-40-CRA – ne otvaraj“.**

Akt obradila/pripremila:

Asima Skenderović, šef službe

**GRADONAČELNIK**

**Armin Halitović**

Dostaviti:

1. JP „Radio Bosanska Krupa“
2. Oglasne ploče (Bosanska Krupa, Bosanska Otoka i Jezerski)
3. Službena web stranica, [www.gradbosanskakrupa.ba](http://www.gradbosanskakrupa.ba)
4. Udruženje Development Alliance z.s. Brno
5. Arhiva